

Temeljem Ugovora između Međunarodne organizacije rada i općine Neum o implementaciji Projekta “Obuke za zapošljavanje u turističko-ugostiteljskom sektoru u Hercegovini”, općina Neum o b j a v l j u j e:

JAVNI POZIV NEZAPOSLENIM OSOBAMA ZA PRIJAVU SUDJELOVANJA U PROGRAMU OBUKE - ZA ZANIMANJA KUHAR, KONOBAR I SPREMAČICA/SOBARICA

1. Uvod

Partnerske organizacije: Općina Neum, Općina Ravno, Grad Stolac, Služba za zapošljavanje HNŽ-HNK, Hotel Villa Nova d.o.o. Neum, Srednja škola Stolac, Srednja škola Neum i Asocijacija za ekonomski razvoj REDAH Mostar, pozivaju sve zainteresirane osobe koje žele da se osposobe i usavrše za zanimanja kuhar, konobar i spremačica/sobarica da se prijave za učešće u programu besplatnih obuka. Program obuka realiziraju partneri u okviru projekta Obuke za zapošljavanje u turističko-ugostiteljskom sektoru u Hercegovini. Projekt predstavlja jednu od 26 lokalnih inicijativa u okviru intervencije „Podrška Europske unije lokalnim partnerstvima za zapošljavanje – Faza II“ koji financira Europska unija, a realizira Međunarodna organizacija rada.

2. Predmet Javnog poziva

Realizacija Programa obuke i usavršavanja nezaposlenih osoba jedna je od planiranih projektnih aktivnosti.

Troškovi obuke su pokriveni od strane organizatora u okviru projekta, uključujući kontribuciju za pokrivanje troškova prevoza i/ili smještaja tokom obuke.

Cilj obuka po ovom Javnom pozivu je osposobljavanje i usavršavanje u oblasti ugostiteljstva za zanimanja kuhar, konobar i spremačica/sobarica.

Srednje škole Stolac i Neum su trenutno u procesu certificiranja programa obuka za ova tri zanimanja, kako bi ove obuke bile zvanično certificirane od strane Ministarstva prosvjete, znanosti, kulture i sporta HNŽ.

3. Odabir polaznika

Javni poziv je usmjeren prema nezaposlenim osobama s područja Općine Neum, Općine Ravno, Grada Stoca i Hercegovine.

Odabir polaznika obuka vršit će komisija sastavljena od predstavnika partnerskih organizacija.

Za svaki će se ciklus vršiti selekciju prijavljenih kandidata, te će odabrati po 10 polaznika za svaki ciklus obuke. Preostali kandidati ostaju u bodovanju za naredne cikluse obuka. Sveukupno je planirano po 2 ciklusa obuka za sva tri zanimanja.

4. Uvjeti za obuku

Odabrani polaznici će biti blagovremeno obavješteni o točnim lokacijama na kojima će se odvijati obuke, s tim da su moguće lokacije za obuke Mostar, Stolac i Neum

Trajanje obuke za zanimanje kuhar - ukupno 180 sati - 20 sati teorijske nastave i 160 sati praktične obuke.

Trajanje obuke za zanimanje konobar ukupno 140 sati - 20 sati teorijske nastave i 120 sati praktične obuke.

Trajanje obuke za zanimanje spremačica/sobaricar ukupno 120 sati - 20 sati teorijske nastave i 100 sati praktične obuke.

Uvjet za dobivanje uvjerenja/certifikata je redovito pohađanje obuka (nazočnost na 80% sati nastavnog plana i programa).

Odabrani učesnici obuke će biti dužni ishoditi sanitarne knjižice prije početka obuke, a trošak sanitarnih knjižica je pokriven od strane projekta.

Način i oblik izvođenja programa

- U školi – teorijska nastava izvodi se u specijaliziranoj učionici.
- U partnerskom ugostiteljskom objektu.

Evaluacija programa

- Na kraju programa osposobljavanja polaznici polažu ispit provjere stečenih kompetencija (znanja, vještine i sposobnosti) koji se sastoji od izrade i obrane praktičnog rada u ugovorenom ugostiteljskom objektu.

Polaznicima koji uspješno završe program osposobljavanja izdaje se **Uvjerenje o osposobljenosti** (obrazac broj: 6) po Pravilniku o sadržaju i postupku izdavanja javne isprave u obrazovanju odraslih Ministarstva prosvjete, znanosti, kulture i sporta HNŽ.

5. Ciljna skupina

Ciljnu skupinu po ovom javnom pozivu čine nezaposlene osobe na evidenciji nezaposlenih osoba službi za zapošljavanje, s najmanje završenim 3. stupnjem obrazovanja.

Prednost za sudjelovanje u procesu pružanja podrške razvoju poslovne ideje i biznisa, imati će:

- Nezaposlene mlade osobe starosne dobi između 18 i 35 godina,
- Nezaposlene žene, bez obzira na dob i dužinu trajanja nezaposlenosti,
- Dugotrajno nezaposlene osobe koje su registrirane u evidenciji službi za zapošljavanje duže od 12 mjeseci,
- Kategorije sa niskim učešćem na tržištu rada (pripadnici manjina, osobe sa invaliditetom te nezaposlene osobe preko 50 godina starosti),
- Pripadnici Romske populacije
- Socijalno ugrožene kategorije (nezaposleni u domaćinstvima u kojima nitko nije zaposlen, samohrani roditelji, osobe koje žive u kućanstvu s osobom s invaliditetom)
- Pojedinci sa otežanim mogućnostima za zapošljavanje, uključujući one koji su usljed posljedica pandemije Covid-19 ostali bez posla.

Intervju pred komisijom

Intervjui će se odvijati u prostorijama općine Neum, te će se procjenjivati motivacija, komunikativnost i opći dojam.

Rang lista će se praviti na osnovu ukupnog broja bodova.

6. Dokumentacija potrebna za prijavu

Potrebno je je priložiti sljedeću dokumentaciju:

1. Popunjen obrazac prijave (u prilogu Javnog poziva)
2. Kopiju svjedodžbe o završenom školovanju
3. Dokaz o statusu nezaposlene osobe- potvrda o nezaposlenosti izdata od strane nadležne službe za zapošljavanje
4. Kopija osobne iskaznice
5. Potvrda o prebivališu

Nepotpune i neblagovremene prijave neće biti uzete u razmatranje.

Dodatni kriterij bodovanja, potrebno je dostaviti:

- Za osobe s invaliditetom: dokaz o invaliditetu (kopiju rješenja Instituta za medicinsko vještačenje zdravstvenog stanja, Centra za socijalni rad ili drugih nadležnih institucija)
- Nezaposleni u domaćinstvima u kojima nitko nije zaposlen - ovjerena kućna lista
- Za samohrane roditelje- Uvjerenje Centra za socijalni rad
- Za osobe koje žive u kućanstvu s osobom s invaliditetom- ovjerena kućna lista i dokaz o invaliditetu (kopiju rješenja Instituta za medicinsko vještačenje zdravstvenog stanja, Centra za socijalni rad ili drugih nadležnih institucija)
- Za pripadnike Romske populacije - dovoljno je da se osoba kod nadležne službe za zapošljavanje izjasnila kao pripadnik Romske populacije.

U slučaju nedostavljanja traženih dokaza podnositelj prijave ne ostvaruje pravo prvenstva po datom kriteriju.

7. Način prijave i rok za podnošenje prijava

Osobe zainteresirane za obuke mogu se prijaviti putem namjenski dizajniranog Obrasca za sudjelovanje u programu, najkasnije do **20.12.2024. godine do 15 sati**. Prijavni obrazac se podnosi putem email-a, u PDF formatu ili skeniran na adresu odsjezkaprojekte@gmail.com ili putem pošte na adresu: Općina Neum, Kralja Tomislava 1, 88390 Neum. U oba slučaja staviti naznaku „Prijava na Javni poziv za učešće u programu obuka“.

8. Dodatne informacije

Za dodatne informacije možete kontaktirati Općinu Neum, Odsjek za projekte, kontakt telefon: 036/880-214, e-mail: odsjezkaprojekte@gmail.com



Ovaj Javni poziv je isključiva odgovornost partnera na Projektu Obuke za zapošljavanje u turističko-ugostiteljskom sektoru u Hercegovini i ni u kom slučaju ne odražava službene stavove i mišljenja Europske unije i Međunarodne organizacije rada.

